


## BAKURUBASANNI

(nimoro 12 songo)

Mali kono = Dōrome 300

Afinki kono = Dōrome 600


Jamana were = Dōrome 1000



Kunnafonisében bota kalo o kalo. BP: 24 Telefoni : 21-21-04. Bozola Bamako-Mali. San 28nan boko 336nan A songo : dōrome 15

## «SEMUDETE» ye kuntigi kura soro

Mali koorisene ciyakeda «SEMUDETE» ye kuntigi kura soro. Bakari TARAWELE min foto file sanfe,



Bakari TARAWELE

n'a si ye san 53 ye, o de sugandira k'a ke «SEMUDETE» kuntigi kura ye Dirisa KEYITA no na. Mali koorisene ciyakeda nemogoba kura ye mogoa faamuyalen ye soro jenabowalewinka kerenkerennenyala, cike soro de y'a donfen ye kosebe.

Joyoro caman kalifara Bakari TARAWELE la Mali kono, in'a focike soro bolodayorota san 1971 ni 1976 ce, an'o ciyakeda ba kunki dankanya san 1979 ni 1981 kono. A kera jamanakuntigi laadibaga ye minisiriso la, min ka baara tun jesinnen don seni ni baganmara ni kungo nafaw ma.

Kabini san 1986, okutoburukalo la, Bakari TARAWELE y'a joyoro fa cikelaw ka yiriwali banki «BNDA» nemogoya la fo ka na s'a bilali ma «SEMUDETE» kuntigya la san 2000, zanwiye kalo tile 3. Hakililajigin na, Mali koorisene ciyakeda «SEMUDETE» be ka labaara an ka jamana yere fe n'a mananku tilako 100 sigiyoroma 60 boli ye ani Faransi koorisene ciyakeda, n'o ka manankun bota ye tilako 100 sigiyoroma 40 ye.

«SEMUDETE» sigira senkan san 1974. Bi, a ka baara lawerela ka Sikaso mara bee lasoro ani Seguni Kulukoro maraw yoro daw. San 1995, «SEMUDETE» ye Kita segere Kayi mara kono.

Dugu 5400 koorisene 170.690 de be ka baara ke «SEMUDETE» ka yamaruya kono, an be don min na, i ko bi. Mali koorisene ciyakeda baarakela basigilenw hake ye 2300 ye. Sannifeere ani korikolobo ni koridoni kama, «SEMUDETE» be baarakela 2800 ta san o san.

Nanse SAMAKE ni Basiriki TURE

Zanwiye kalo san 2000

## Ofisi ka laadala tonsigi 10 nan

San 2000, zanwiye kalo tile 12, Ofisi di Nizeri y'a ka san laadala tonsigiba 10 nan ke.

Laje kene kan, Ofisi kuntigi Nankoma KEYITA ye kuma ta ka san 1999-2000 sannifeere fesefese, k'i sinsin sanji sumayali kan ani ji nali ni barika ye ninan samiye, min ye gelcyanin don Ofisi di Nizeri maloseneko la. A y'a jira k'o n'a taa bee Ofisi ka suman soro hake ka kan ka ben toni 321.094 ma. Min ye tilemafe seni ye, a k'o soro bolodalen be teme toni 400.000 kan.

Ofisi tonsigilaw da sera jisongokoma. U'y'a jira ko sefawari miliyari 2 ni tila ni kojisongo ladonna. Ojurutilako 3 sigiyoroma 2 ni ko bee sarala malosenenaw fe. A kera sababu ye ka cikelaw ka cikeminen caman ladon, k'umagone baarakelancaman dilan. Ofisi ye musaka min don cikedugukolo labaarialidafe, okasabi sera sefawari miliyari 2 ni doonin ma san kelen kono. Lajekelaw jenna ni

san 2000-2001 cike ni sannifeere baara bolodalenw ye. Cikedugukolo kura minnu ka kan ka laben o waati kono, o kene be setaari 14 715 ma. U ka ninita gelen daw ye juruko negoyalie cikelaw ma anisenekelaw kalanni n'u kunnafo ni n'uladamuni u ka baara siratige la.

U'y'a ninia Ofisi togola yoro do ka laben Marakala dugu kono k'o ke ciyakeda in mankutuli fenkoromarayoro ye. Segu tonsigilaw ka lajini dowerie ye bamon konniye Ofisi baarakeyorow masurunyaw la. U'y'a kan bila cikelaw ka nemogoba ma, a ka se fangasoma, walasa maloworo izini minnu feerela kenyereyew ma, olu k'u ka baara damine joona, ani goferenaman k'a laje ka mogo do sugandi min bena ye laadala tonsigi kene kan jatebolenw segesegeli kama.

O. Dolo  
Basiriki TURE

# KIBARU ka san 2000 sanbee-sanbee

Dijé yoro bée la, Farajela fara Farafinna kan, ni sankura kumbora ka mogo minnu jelen to diya, keneya, here, lafiya, soro ani wasa kono, olu be dugawu ke njogon ye, walasa k'u kisi sankura mantooro ma, k'u sago k'u ye, kabarika don uka jela. Oye laada ye, min latilenni be hadamadenya diya, ka mogow kanu don njogon na, k'u cekow njogoya, k'u jekun sinsin. O cogo la, mogow be dugawu ke njogon ye duw kono, ub'a ke njogon ye duguw, baarakeyorow la, foroba kunda ani kenyercye kunda, ub'a ke njogon ye dugu ni dugu, fo jamana ni jamana. O de siratige la, sankura 2000 damine la, kibaru be dugawu k'a kalanbagaw, a kanubagaw n'a demebagaw bee lajelenye Malikongoan'akokan, walasa u ka dusu kura ta k'a nesin kunnafonisebenw yiriwali ma, minnu be dilan Mali jamana wolokanw na. Okoro'y'a ninini de ye mogow fe, u ka do fara cesiri kan, ka kibarudilannaw deme cogo bee la; ka kibaru mankutu yoro bee la; ka kibaru san, kalo o kalo, k'a kalan, wali, fen min ka fisa k'a bakurubasansan osan; k'u ka sigidaw kunnafoniw, u hakilinataw, nsiirinw, poyiw, kuma kormaw ani yelekow seben, k'u ci jensenni kama kibaru kono, n'o aderesi ye BP. 24 ye Bamako; ka balikukalanko dusu don njogon kono, ka d'a kan kibaru ye balikukan dafalan de ye, kibaru dilanna kalanden jolenwfolode kama, minnu be yerekalan bolo kan. A sabatira ko dusukurakon ni cesiriko de siratige la, san o san, do be fara kibaru hake kan min be dilan kalo o kalo, n'a bora 15.00 la, ka ke 16.000 ye salon ni ninan; don o don, do be fara letere kan, minnu be ci Kibaru ma, kaboduguw kono, n'u kono kumaw nafaw te fo ka ban, ka masor'u bee ye njogondonkow, njogonbilasirakow, njogonkalankow, njogonkunnafonikow ani njogonjenajekow de ye sira bee kan, i n'a fo hadamadenyako, soroko, politikiko, sekoo, dongo,

farikolojenajeko ani kocaman werew. O kɔrɔ ye ko mögɔ ka kan, k'i jija, ka fən bɛe ke, ka tugu kibaru la, ka masɔrɔ kibaru sababu la, mögɔw bɛ bɔ nɔgon ka wale kelenw kalama, ka sɔr'u te nɔgon kan, u te nɔgon dɔn, u yɔrɔ ka jan nɔgon na. Nin bɛe fokun ye k'a jira ko mögɔw bɛ nɔgon lasɔrɔ kene kelen min kan, wali u ka batakiw bɛ jenseñyɔrɔminna, n'o bɛ kibaru kɔnɔ, n'a bɛ wele kó kibaru kanubagaw kumayɔrɔ, o labilalen bɛ bɛe ye. O kɔrɔ ye ko ni mögɔ min ma bataki sèben k'a ci Kibaru ma, kibaru kalanbagaw tɛn'o tigi dɔn, Arajomali lamènbagaw tɛn'o tigi dɔn, ka d'a kan, juma o juma, kibaru mögɔw bɛ taa batakicilaw tɔgɔw fo Arajomali la. Ni mögɔ min kalannen tɛ, nka kunnafoniko yiriwali dusu b'a kɔnɔ, o tigi bɛ se ka mögɔ kalannen dobila k'a ka bataki sèben, k'a ci kibaru ma. O mögɔ bɛ sɔrɔ yɔrɔ bɛe la sisan Mali dugu bɛe kɔnɔ. Nin bɛe la, kibaru baarakelaw bɛ fən min nɔkan, u sago ye fən min yé, o ye mögɔ caman sendonni de ye kibaruko n'a nɔgonnawla, yɔrɔbɛe la, jamana kɔnɔ. N'o kera ka ne, kibaru kɔnɔkow bɛ bugun, kibaru jenseñyɔrɔw bɛ caya, a bɛ diya mögɔw ye ka t'a fe. Misaliko siratige la, ni mögɔ 10 nɔgonna sɔrɔla dugu min kɔnɔ, minnu nɛsinnen bɛ kibaruko ma, olu ka kan ka fara nɔgon kan, ka sɔrɔ k'u jija ka dusu don mögɔ werew kɔnɔ, f'u hake ka caya ka t'a fe. Kumalasurunya la, fən min ka fisa, o y'a jekulu sigili de ye duguw kɔnɔ, k'a laben, ka nɛmögɔw sɔr'a la, k'a bonya di dugu mögɔ nɛnamaw ma, walasa oluk'a dème sira bee kan. Oyerlaben baara man kan ka geleya sisan, k'o sababu ke maraboloko bilali ye bolo kelen kan. N'a fɔra ko bee k'i yere bo nɔgo la, o kɔrɔ ye bee k'i yere dème. O cogo la, ni dusukurako kera sababu ye dugu min fɔlo k'a jekuluko damine, o bɛ togo sɔrɔ ka d'a kan a wale mankutu bɛ ke kibaru kɔnɔ, a bɛ ke Arajomali la, a bɛ ke telewisiɔn na. N'o

kera, dugu wərəw bə b'a kalama. Olu la, dəw bə sɔrɔ, minnu b'a nɔgɔn kε. A bə t'o cogo la fo k'a se yɔrɔ bəe la. A kera cogo o cogo, ni hadamaden ma hakili kura ta, ka bən diŋe taabolo kura ma, diŋe bətaa k'a to, k'o sababu kε dusuntanya ye. Okorɔ ye ko hali ni hakili kura tara, ni dusu kura ma ta, bɔnɔgola tε kε, kuma tε yiriwali ma. O bə sɔrɔkow, dunkafakow, kəneyakow ani kalankow kunkan cogo min na, Θ bə kunnafonikow ni kibaruko kunkan, o cogo de fana la. Dusukurata b'a jira ko mɔgɔw ye faamuyali kε, k'a dən ko dəmə diya o diya, yərədəmə de nɔgɔn tε.

Amadu GANI Kante

# Hakilijajigin

An b'aw ladønniya ko san 2000 «KUPUDAFIRIKI» ntolatanw be damine zanwiyekalo tile 22 fo ka taa se fewuruyekalo tile 13 ma jamana fila kono nøgonfe, n'o ye Gana ni Nizeriya ye. Nin y'a siñe folo ye Afiriki tulonba in nøgøndanw ka ke jamana fila kono waati kelen na.

## Jamana minnu delila ka **KUPUDAFIRIKI TA**

San 1957 : Misirajamana  
San 1959 : Misirajamana  
San 1962 : Ecopi  
San 1963 : Gana  
San 1965 : Gana  
San 1968 : Kongo-Zayiri  
San 1970 : Sudan  
San 1972 : Kongo-Barazawili  
San 1974 : Kongo Zayiri  
San 1976 : Maroku  
San 1978 : Gana  
San 1980 : Nizeriya  
San 1982 : Gana  
San 1984 : Kameruni  
San 1986 : Misirajamana  
San 1988 : Kameruni  
San 1990 : Alizeri  
San 1992 : Kodiwari  
San 1994 : Nizeriya  
San 1996 : Afiriki  
worodugujamana  
San 1998 : Misirajamana

## «FAYIDATON» kera segukaw jigituguton ye

San 1999, desanburukalotile 8, Segu cikelaw ka yiriwali jekulu «SEPADI» min be wele bamanankan na ko «FAYIDATON» ni kura donn'ola, k'a ka baara ketaw bolofaraw lawere ani k'u sinsin.

O laje kene sankorotara ni cikelaw ka nemogo yamaruyalen 50 nogon ye ka bo u ka jekulu 8 yoro ani musow ta fila ni Segu arondisimanw ni cikejekulu kerenkerennen werew ni senet baarada faamuyalenw ni yiriwali demetonw ka cidew.

Laje in kera sababu ye ka «FAYIDATON» kanubagaw n'a lafasabagaw bee kunnafoni Segu serikili senekelaw ka yiriwali tonba lahayaya la anik'a ka baara kelenwni baara nataw jira jama la.

Hakililajigin na «FAYIDATON» - «SEPADI» yamaruyar'a ka baara la Mali kono sariya fe san 1998. Ton in ye senekela jekulu caman de faralen ye nogon kan : duguyiriwat «AW» 146, bolodijogonmaton 72; musoton 85 ani dugutonba 5 minnu ka baara nesinnen don baganw furakeli ni dugumogow ka kencya sabatili walew ni balikukalankoma. Ton in bolofaraw jensennen don Segu serikili komini 24 bee kono.

«FAYIDATON» labaariali nafolo dibaga ye «FIDA» ye, n'o ye dije jamana horonyalenw ka demekjekulu ye min nesinnen don yiriwalikow ma desebagatojamanaw cikeduguw kono ani fangaso ani cikela minnu ka kan ka deme ka fara kenyereye baarada daw kan, i n'a fo : «POROMAWI» ni «ARANFORI - 2000», n'olu ka baara nesinnen don senekelaw ka jekuluw yiriwali n'u sinsinni ma.

An be don min na, i ko bi, «FAYIDATON» ka manankun ye sefawari miliyon 150 nogonna ye. A cesirilendanjekulukonotonw, ka ketaw bolodali la ani cesira numanw boli jekuluba ni demeketon yeleke werew ni nogon ce.

Segu «FAYIDATON» ka baara jateminenenw ka ca.

Balikukalan sira kan, u y'u sinsin musow kalanni kan, barisa olu kalannen man ca. Cew ka kalan dafalan kera baarakalanw ni yerkalalanw ye, walasa u ka se k'u

yere nenabo sira bee kan, k'u ka baarasabenw lafacogo don k'u faamuya ka ne. «FAYIDATON» ya jir'a ka kewalew bee kono, k'a sigikun ye tondenw haminankow dilanni de ye. Balikukalan ni baarakalan temenen ko, u ye tondenw ni tonjemogow dege ka sannifeere ni minensankafeere baarawa laben, k'u don baaraw dafe, minnu ka fisu u ka

sera cikelaw ka tonba in ka geleyaw ma an'u mago be fen jonnjon minnu na sisan ka fara ton ka wale teliman folow kan, i n'a fo : benkanseben kono waleyali, min be fangaso ni «FAYIDATON» ce, n'a nesinnendon ciketonw ka jurukorow sarali ma, minnu donn'u la kabini Segu duguyiriwat kesu «PFDVS» baaraw be senna.

U y'a nini feere suguya bee do ka tige o warri sarali la waati kuntaala basigilen kono. Tonsigilaw y'u sinsin musow ka balikukalan jidili kan ani togodaw boli kelennasigi la, walasa jagosira ka yiriwa togodamogow ni dugubakonemogow ni nogon ce. A jirala file yoro min na sefawari miliyon 12 ni ko juru be musow la, u be ka baara ke ni nafolo


min ye.

N'any'a lajekonuman «FAYIDATON» be se ka jate Segu duguyiriwat «PFDV» nonabila de ye, min ye deme don Segu serikili cikelaw ma «FIDA» ka yamaruya kono san 1984 ni 1991 ce ni dije demejekuluba in tilala k'o nafolo lakuraya san 1992 ni 2000 ce. O waati kono «PFDVS» ye Segu serikili 220 senekelaw deme u k'u jija uyere ka netaa ni bongola ni yiriwaliko bee la.

Walasa o baara nafamaw kana don bogi la, Segu arondisiman 8 «AW» mogow y'u hakilijagabu ka «FAYIDATON» dilan ubee togo Segu dugu kono san 1997, min ka lajini te doweriye senekelaw ka netaa ni yiriwali ni kelenya ko. Cikelaw ka naniya numan talen in taara Segu mara gofereneri ni nafolodibagaw ka demekjekuluw bee jimsira fe. U bee ye layidu ta ka «FAYIDATON» deme a ka walew jidili sira kan san fila kono, n'o ye san 2000 - 2001 ye.

«FIDA» togo la, sahelyanfan yiriwali kesu «FODESA» nemogo Fatogoma JARA ye foli ni tanuni lase segukaw ma u ka miiriya numan in na, k'a jir'u la ko jamana fangaso ni «FIDA» n'u ka tondenw bee jigi b'u kan.

**Basiriki TURE**



nafasorisiraw ma, ka je duguw fe ka sariya sigi forobawari labaarakogo la anibaarasira were minnub'uka netaa ni yere sabati.

«FAYIDATON» yecikebugufiyewtugu nogon na nisira numanwye, ka kencya sabatili walew jenseen ni foroba dogetorosow joli ye Segu serikili kono. «FAYIDATON» ye juru caman di a ka ciketon misenninw ma ka cikeminenko ni nogoko ni sannifeerekogoya. A ye juru don musow la, u ka jagomisennin ni nakosene ke.

«FAYIDATON» ka baara kologirin do ye wari ninini ye demekjekuluw fe ka waribonw dayele senekelaw jigituguli kama. Cikelaw yere joyor ka bon o nafolo labaarialiko la.

«FAYIDATON» te deme si ke min te senekelaw yere hajuw ye. Cikelaw sendonni u yere kunkanko baaraw bee nenaboli la, o kera fen ye, min ye demekjekuluw dibagaw hakili minne kosebe.

A jirala Segu tonsigi kene kan ko «FAYIDATON» - «SEPADI» ye caman ke ka fara korelenw kan, i n'a fosorosira kuraw dayeleli Segu serikili cikelaw ye : misitulo ni sagasikolon ni junuda ni jgemara ni tiga ni nsere ni melon seneni. Nka o n'a taa bee wale kebaliw toba be yen. Lajekelaw da

## San 2000 hijitaa

Jamana lamini koñew ni basigi minisiriso bë silamew ladonniya ko ninan, san 2000 hijitaa musakaw bëe lajelen bë ben sefawari miliyon kelen ni baa biwooró ni fila, ni dörümë biwolowula ni segin ma. Musakaw dondaw file :

- Bamako ni Jeda taakasegin taransipori bë ben sefawari baa këmë ni tan ni kononto ani këmë fila ma.
- Hijidenwka Sawudiyasigimusakaw bë ben sefawari baa këmë ni tan ni kononton ani këmë woóro ni dörümë tan ni segin ma.
- Bololawari min bë di hijidenw ma Makan, obë ben sefawaribaa mugan ma.
- Musaka dita Senu pankurunkene kan, ani mobili taransipori bë ben sefawari baa fila ni këmë naani ma.
- Banki musakaw bë ben sefawari këmë segin ma.

O temennen kofé, minisiriso in b'aw ladonniya ko tögöseben bë damine desanburukalo tile 5 la, ka t'a bila san 2000 feburuyekalo tile 8 na. Tögösebenw bë ke minisiriso in yere la, ani serikiliw la.

Ni togow sëbenna, wari bë bila «BDM SA» la.

«Eri-Afiriki» ka pankurunw bë taa ni hijidenw ye. Taali b'a damine feburuyekalo tile 20 la, ka t'a bil'a 22 na. Seginni bë damine marisikalo tile 22 la, ka t'a bil'a 23 la, san 2000.

Hijidenw yamaruyalen don ka taa ni kilo 30 ye, ka seçin ni kilo 40 ye.

Hijitaala minnu bë jamana fan were fe, olu bëe ka kan ka soró Bamako feburuyekalo tile 11 na, san 2000, walasa k'u ka labenw sabati.

Hijitaalaw bëe ka kan ka sayibileñ ni kanjabana bolociw ke. U kelen-kelen bëe ka kan ka bugunnatigefoto 12 ta.

## Sigida nafamafenw töpötoli

Kalan do kera Kolonjeba sigida nafamafenw töpötoli kan, k'a damine nowanburu kalo tile 25 la, ka t'a bil'a tile 29 na. Kalan in kera san 1999 Kolonjeba dunanjingiso nogonyeyoro la.

Kalan intun sigira senkan «C.R.C.R» fe, n'o ye Sikaso mara senkejekuluw ka hakili falen-falen tonba ye. Mogo 60 tun bë kalan in këne kan. Senkejekulu caman mogow tun b'a la, minnu bora Sikaso serikiliw kono, i n'a fo Sikaso, Yoroso, Kajolo, Kucala, Buguni ka fara Kolonjebakaw kan. Demebagabaaradaw, sigida lakanacakeda min bë Kolonjeba ani togodaw yiriwali ni jiko minisiriso bolofara do ka ciden fana tun bë këne in kan ka fara Kolonjeba komini meri kan, n'o ye Hamidu Fane ye.

Kalan nemogoya tun bë mogofila bolo, minnu faamuyalen don sigida lakanali ni maraseginso koñew la. Folo ye Fode Konate ye, n'o ye Kolonjeba «S.E.TA.O» nemogo ye. Filanan ye Desire Baalo ye; ale ye kenyereye baarakela ye Sikaso.

Kalan in kera hakili falen-falen yoroje senkejekuluw, demekejekuluw, faso ka ciyakeda minnu nesinnen don sigida lakanalima anikomini nemogow ni nogon ce. Kalan in kera sababu ye ka temensira jira komini konomogow la, deme ninicogo ni baaraketaw kan, sigida nafamafenw töpötoli siratige la. A kera sababu ye fana seneketöñw k'u joyoro don komini kono, maraseginso hukumu kono, ka nesin S. N. F. töpötoli ma.

Kalan in kera kunkorota ye Kolonjeba

mara bolo. Goferenamanka lasigiden, Kolonjeba meri ani kalandenw bëe lajelen ka lajini kera ko ka kalan in nogonna camanka ke komininw kono, walasa sigida lakanali feerew ka faamuya, k'u waleya ben ani sariya kono.

Kolonjeba tile 5 kalan in bangera fen minna, okera k'a fo ko sigida lakanali te sabati fo sigida mogow ka waledow k'u ka cikeminenw ye :

- Nogonye, ka jekulu sigi ka nesin sigida lakanali baaraw kolosili ma.
- Ben sinsinni sigida mogow ni nogon ce.
- Sigikafö sigida mogow ni nogon ce : S. N. F. nafabagaw, sigida lakanali baaraw kebagaw, senkejekuluw, demekejekuluw, komini nemogow ani faso ka cakeda min nesinnen don sigida lakanali ma.

- Baara bolodali, sigida lakanali sira fe.

- Baarake nogonya sabatili sigida lakanali baaraketaw ni nogon ce. Kalandenw ye barikada ke ka nesin C.R.C.R ma, ani karamogow ni ciyakeda minnu y'u deme ni miiriya numan ye.

Kalan in kuncera ni jemukan keréñkerénen ye Kolonjeba arajo «Benso» la, walasa ka mara mogow bëe kunnafoñi kalan in kan. Kalan kuncera here la, ben ani bonya kono. Uye temensira dow jira, minnu ka kan ka labato walasa sigida lakanali bë sabati.

Lamini Mariko  
ni Daramani Zan Jara  
Arajo «Benso» - Kolonjeba

## Do be ka fara Sidabana jore n'a hami kan

Dijé jamana hörönyalenw ka tōnba bolofara minnu jësinnen don kénéyako ni sidabanako ma, olu y'a jira san 1999, desanburukalo tile folo, n'o ye hakilijagabo donba ye dijé kono sidabana kéléli sira kan ko bana sidonbali in be ka juguya ka t'a fe. A kasaara n'a masiba n'a mantooro dulonnendondhadamaden bee kunna. Dijé jekuluba fila kofolen ninnu ye feëre dōw boloda sidabana kéléli kadara kono dugukolo tonkun naani bee la.

A jirala k'an be don min na, i. ko bi, sidabana be baliku miliyon 32 ni k'o la ai funankénin miliyon 1 ni k'o. Sida ye bana ye min banakise be mëen hadamadden na k'a soro a m'a lada, k'a lanogo. O de koso sanga ni waati bee a banabaatow hake be caya ka t'a fe, minnu be donmakono na.

Mogo faamuyalenwy'an ladonniya ko sidabana ye hadamaden miliyon 5 ni tila njogonna mins san 1999 kono, mogo miliyon 2 ni tila njogonna fatura minnu cëma. Uka foli labana sidonbali in be mogo minnu na dijé kono, o tilance ye bana in soro sanni u si san 25 ce wa o mogo hake fana bee be bone u ni na sanni u si san 35 ce. A jirala ko sidabana ye mogo minnu ke falatow ye dijé seleke naani na, o hake sera miliyon 11 ni k'o ma ka ban. An ladonniyara ko sidabanato minnu be dugukolo kan, o hake tilako 1000 sigiyoroma 95 be jamana hörönyalen kuraw kono. Dönnibagaw ka jatemine na, kënäya sabatili walew feërew deseli ka subahana bana in kubenn, o bëna ke sababu ye ka bana in jënsen ka t'a fe jamana hörönyalen kuraw kono.

A jirala ko setigi jamanaw ye do bo sidabana saya la ni fura suguya saba nagaminen ye, u be minnu k'a banabaatow la. Nka halisa feëre jönjow ma soro a la u bolo, bawo Irisila jamana kan sidabanatowcayara sijnë fila san fila kono. San 1999, dörogü pikirilamaw ye do fara sidabana

girinya kan farajela köröfela ni Azi cemanceyanfan jamanaw kono. Afirikijamana minnubé Sahara jukoro, olu ka sidabanako temen'a dan kan. A ko kelen don haminankoba ni örenankoba ye farafinna mara in na, bawo sidabanatow hake min be dijé kono, olu tilako 100 sigiyoroma 70 sigilen be yen. A jirala k'o jangarotow fanba bee be sa san 10 nataw kono, ka fara farafin miliyon 13 ni tila ni k'o kan, sidabana kéra minnu sata ye. Sidabana kelen don ka gelyea caman don Afiriki ciyakédaw labaarali la, k'o sababu ke baarakelaw banani n'u fatuli ye. «OMS» ni «ONUSIDA» ciyakédä kerénekérénenw y'a jira misali la ko sidabana be farafinna muso 12 - 13 njogon na k'a soro a be ceman hake min na, o ye 10 döron ye. U k'o be soro fen min fe, ce de ka teli ka bana sidonbali in yelema muso fe;

o temennen k'o, sidabana be muso caman soro kabin'u si te foyi bo. San 1999 kono, denmisén minnu si b'a damine san 14 na ka jigin, sidabana y'o mogo 570.000 mins dugukolo kan, mogo faamuyalenw ka jate la. U y'a jira k'o funankéninw tilako 100 sigiyoroma 90 bee ye denjeréninw ye minnu y'a bana soro k'u to u ba sidabanatow kónobara la waodenmisén sidatowfanba be Afiriki jamanaw kono minnu bee Sahara jukoro. «ONUSIDA» y'a ka jore jira sidabanako juguyali la Afiriki kono ka temedjé yorotowkan. Jamana kelen-kelen hake la ani dijé jamanaw ka bolodijögönta hake la, feëre jenamaw be ka boloda manani matarafali la ka kafonogonya ke sanni fura jönjow ka soro sidabana kubenni n'a furakeli la.

Basiriki TURE

### Ce do y'a jini a muso ka to jenemaya la furakelimansinw bolo

Toronto dugu kono, Kanada jamana kan, ce do y'a jini dögötöröw fe ko a muso ka to mansinw ka bolo kan, ka soro a jirala ko muso in ntanyana. Ce ka lajini ye den min be muso kono, a be dögökun tan bo, o ka se ka kisi cogo min na.

Muso in togo ye Sofiya Pariki; a si be san 25 la. Kanjabana de k'er'a sata ye. Mansin do y'a jira ko muso dusukun be taama. Furuce y'a jini

muso ni masin ka to njogon bolo, fo ka se dögökun 14 ma, walasa den ka kisi. A ka fo la, dögötöröw y'a jira ko den ka kisili be gelyea; walima n'a kisira, a ni fijné dōw be na.

Nka, o n'a taa bee, ce ko muso ka to mansin na. Dögötöröso wajibiyaten te ka muso to mansin ka bolo kan. Nka den in fana jenama don. Ale fana ye banabaatöye min ka kan ni lakanali ye.

### Dögötöröw ka mogo fagata b'a ta mogo 44.000 ka t'a bila mogo 98.000 la Lamerikenjamana kan

Dögötörösow ka seben do y'a jira Washintoni dugu kono, Lamerikenjamana kan, ko dögötöröw ka filiw be ke sababu ye ka mogo 44.000 walima mogo 98.000 bone uni la. Seben in y'a sabati ko nin mögofagata ka ca ni sirabakankasaaraw ni sindimi, ani sida ka mögofagataw ye. Nin fili ninnu be ke sokonofurakeliw senfe ani

furafeeresow kono, ani lafinbojorow la, ani kenyereyedögötörösow ni forobadögötörösow kono. San kono filiw ka mögofagata be se mogo 7000 ma; minnubé fura ta ka soro dökötöröw ma fen fu ye.

Seben in y'a jira ko nin kasaaraw man kan ka ke abada nin waati la, sabu bee ka lajini ye furakeli ka ke ka soro baasi ma b'a la.

## Jamana nemogow ka kan ka kibaru kalan

Ne be wele bila ka taa fangabulon nemogo ma ani minisiri tow bee, u k'a laje sa, u bee kelen-kelen ka kibaru bakuruba san. N'o kera, do be fara an ka fasojowale kan.

Ne ma son min ma, don o don sogaoma, u bee ka baarakeyoro tabaliw falen be kunnafonisebenw na, i n'a fo «Eko»; «Ororu», «Endepandan», «Kabako», walima Nuweli orizan n'u nogonnaw, minnu sebennen don nansarakan na, n'o ye walikan ye. Mogocaman b'ula, minnu te se ka kibaru kalan, walima an ka kanw sebennen kalan. Nin ye fili belebele ye an ka ko la.

N b'a nini jamana nemogo fe, a k'a cesiri, walasa ale yere ni fangabulon ni depitebulon mogow bee ka kalan an ka kan do la. O mana se ka ke, a na nedon, sabu kami b'a nemogo ton file.

Burama Sidibe  
Sirakorola «C.A.R.» Kulukoro.

## Momitola jiko nogoyara

Poroze «ADRAMALI» ye Momitola kolon do lakuraya awirilikalo la, san 1999. O kera nisondiyakoba ye dugumogow bolo, bawo kabini san 1987, kolon in tun tijena. Kolon saba be dugu kono. Tuma min na kelen tijena, tow bee jara.

Jikogelya donna dugu kono, fo k'a damatemen. «A DRAMALI» nana gelelya in wuli ka bo dugu kan. U ye kolon korolen laben, ka laban ka ponekolen senanye. Kolonba baaraw banna ka ben awirilikalo tile 27 ma, san 1999. Ponekolen baaraw banna ka ben desanburukalo tile 16 ma, san 1999. Kolonkor be wele ko Wofilo; a senna san 1907.

Cesama Jara  
Momitola - Kolokani

## Hakilijaqabo kuma

Neg'e kilokelen ni krimugu kilokelen, jumen ka girin ka men jumen kan? Aw k'an jaabi kibaru kono.

### JAABI

*Neg'e kilokelen nikrimugu kilokelen  
bee girinya ye kelen ye. Si ma girin si  
ye.*

Basiru Kulubali  
Balikukalankaramogo  
Sananko - Negela - Kati

## «PIDEFU» y'anw deme balikukalan na

Ne si be san 14 na. Ne te musow ka batakiw lamé kibaruko la, o koro ye mun ye ? N be barika da kibaru ye waati bee, ka barika da «PIDEFU» ye, sabu ale de y'anw deme balikukalan na.

«PIDEFU» ye demeniton ye Usibijanan. Sisan, anw folola kalan na. «PIDEFU» ye dugu mogofila ta, k'olu ke karamogow ye.


Ninan, an ka dugu samiye nena kosebe. N be bataki kuncé ni kumakoroma do ye : Fen do be dije kono, waati bee a be dumuni ke; a te fa. O ye fen jumen ye? Kibaru kalanbagaw ka n jaabi

Fanta Mana Danba  
Demeke - Usibijanan.

## DANTANFEN DOW KA

### MUSOKO

An ka jikono mali ka ko laje doonin. Ni malimuso ye kono ta; n'a jiginni waati sera, a b'a yorojanya malice la. Ni den



Mamadu Nuhun  
Tarawele

k'era muso ye, malice ni malimuso bee be lafiya. Malice be mun ke, n'a muso jiginna? A beji fan bee yaala, k'a don ni den ye ce ye, walima ni muso

don. N'a ye den ye, ko ce don, a b'a faga. Ni den k'era ce ye, malimuso be t'a dogo fo yorjan.

O la, a be to k'a dogo ka taa sin dience in ma, ka dumuni d'a ma, fo ka t'a korobaya. Tuma min na ni den kogora, a be to k'a sen da fa senno na; ni sen ye fa senno fa don min na, a be t'a fa nofe, k'a kelle.

Sama ni daame fana be nin cogo la. Daame muso te maga fosila ni ce m'o waasi; jiriw, jiribuluw, kabakuruw, jirikuruw n'u nogonnaw, n'a ma min waasi n'a sooni ye, a be no bil'o la n'a ninw ye.

Mamadu Nuhun Tarawele  
Hamudalayi Bamako

## Aw y'a' cogodon furakisfeerelaw la

Ne kelen be ka ko do kolosi, o man ni ds ! Nin waati in na, mogodow be wuli ni furakisfeerelaw la. Ube taa duw kono tuma min na, o b'a soro mogo minnu be furakisfeerelaw, olu bee taalen don kungo kono, fo cekorobaw ni musokorobaw. Olu dun te furakisfeerelaw la. Furakisfeerelaw be derougu feere cekorobaw ni musokorobaw ma ko nenedimi furakisfeerelaw.

Kungotaalaw ben'a soro cekorobaw be bogonconi na; musokorobaw be nosusu la. N'i y'u nininka ko aw ka nene banna wa ? U b'a fo k'u ye nenedimi furakisfeerelaw san furayaalalaw fe, k'o be b'u ka nene ban. U be baara ke fo su.

Wena Kulubali  
Balikukalankaramogo  
Jekuma - Nonsonbugu

## Bamananden tun te fadento dun.

Sognenbilama kelen be damatemenko ye Beledugu kono. Ne kuman'a kan folo, nka foli be k'a juguya ka t'a fe. Kabini meriw sigira, ka donsow bila fanga joyoro la, olu ka jateminne sogneniko la, o be k'a juguya. Sonw sagoker'uye. Sisan ubebin waritigw kan; misiw be ka tunun, kuma te motow ma. U ye mogo kelen faga samiye in na. Faamaw y'u joyoro fa o la, sabu u ye mogocaman minne sonw na. Hali desanburukalo la, san 1999, sonwyefaa doka mototakolokani, fitirida fe; fo ka se bi ma, moto in ma ye. O mana ke son o son ye, o ye dugulenson ye. O tuma, ne b'a nini mogow fe, minnu be sonw kalama, u kan'u k'o dogo.

Folofolo; bamananden tun te fadento dun. K'i balimake ka nafolo sognen, i ye fadento dun. Folomogow tun be saya fisaya ni fadento dunniye. Nka, sisan, sognen kelen be bee ka baara ye, ka dabakala to yen. Baarakelaw ka fen sorolenw sognen ka kan ka dabila ten sa !

Kolankoro Faransuwa Jara  
Jalan - Kolokani.

## Koorisennelaw ka Ala mine

N b'a nini Mali koorisennelaw bee fe, uk'u hakili ke kelen ye, k'u bolo da u dusukan, koori binniko la.

San bee damá man kan; don bee kululataa te diya gón na. Bee y'a ye «kibaru» ikono ko koori binna dije tonkun naani bee la. O tuma, o te jamana kelen kunko ye; bee lajelen kunko don.

N b'a nini bee fe, u kana kele ke: kele man ni jamana ma. An k'an cesiri koorisene fe halibi.

Hali ni koori kera dörömé 15 ye, an k'a sené, k'anwason'ankasenekedabaw ye, k'a sababu ke Mali ye senekjamana ye. An k'an cesiri fo Mali ka ke sanbalano ye koorikola; fo jamana werew ka nebo Mali fe.

Nka do ka fo sannikelaw ye. U kana kooritigiw ka koori tige ninan. Koori binna, tige don; nka ka do fana tige a kilo la, o man kan ka ke fewu. N'i y'a ye kele bora sannikeyoro la ninan, o



de y'a ke. N'o te kele man kan ka bo a la. O ye fen ye min man ni; a man ni sannikelasi ma; ni min ka baara don, o k'a dabila. Hadamadenw sagona sira te. Ala yere sagonako te.

Bee lajelen ka kan ka baarake i ni ALA ce la; Alajesiran b'o ko la; a taara ka horonya dan. Aw sago Ala sago koorisennelaw «CMDT» ani «CMDT» baarakelaw, aw bee ka mankan in ta ni Ala ye.

**Kolankoro Faransuwa Jara  
Balikukalan karamogo  
Jalan-Kolokani**

ma bo ninan minenw songow la, koorisene te ke san 2000 kono kooriseneyorosila Malikono. Neka foli be cikelaw bee ye.

**Madujan Jara  
Kuruma Komini-Sikaso.**

### Koorisene ka jugu

N b'a nini halibi, wari min bora koorikola, a ka far'a kan; walima do ka bo nogow songo la, bawo tonoko min be fo, ne ma son o ma. Sabu jagokela ka sugu mana diya cogo o cogo, i te son k'a fo k'i be do segin a fentigi ma. O temennen kofe, kuma do be fo, ko senekela ye jamana ntuloma ye, hali ni tige don, koorisene ka te. N'i y'a jateminé, koorisene ka jugu ni baara camanye. Senekela ka ca, nka caman te son koorisene ma.

**Burama Jalo  
Balikukalanden  
Ngononcon. Nena mara.**

## Fura jumen be senekelaw ka geleyaw la ?

Senekelaw ka geleyaw ka kan ka fura ke cogo di ? N be nininkali ke jamana nemogow la, ani kibaru nemogoso, ani senekelaw ka nemogow ni kibaru kanubaga bee lajelen. Fura min ka kan ka soro geleyaw la, an bee lajelen k'o fura nini.

N'o te senekelaw segena kosebe an be don min na i ko bi. Senefen si te san a songo la sisani. N'i ye senefen min santo ye songoba la, o b'a soro o te soro kosebe. Senefen ka ca waati min na, a te san songo la o waati la. Ni senefenw banna waati min na, o de y'a warisoro tuma ye.

**Mörike Kulubali  
Filabugu - Kolokani**

### "E.I.D. "ye san 6 soro

E.I.D. = Fangabulon jalakikenye san 6 soro. Kabini lawale la, Mali ye kodon jamana de ye. Bi tile fana na a b'o cogo kelen na, sabu :

- dije bee kono, Mali jamana fo de ye fangabulon jalakikenye sigi sen kan.

- kunnafonisben caman be Mali kono. Arajoso caman fana be Mali kono. Fanga forobayali de ye fangabulon jalakikenye sigi sen kan; k'a ke laadalako ye.

- politikiton caman be Mali kono fanga sinatonw be minnu na.

Nin fenw tun ka kan ka Mali ka forobafanga sinsin fo dije bee ka nebo Mali fe.

Nka halibi forobafanga ma se ka sabati Mali kono i n'a fo any'a kanu cogo min na. O kromasunrun dow file nin ye :

San 1999 "E.I.D." (fangajalakili kene) m'an kun mine hali doonin, k'a sababu ke fen dow ye i n'a fo :

- Jalakilisben 283 minnu cira fangabulon ma n'a y'a woloma ka seben 58 doren ta ka laben ke olu kan.

- Mogow ka kan ka kuma waati min kono, olu m'o waati fana soro.

- Mogow hake dogoyara ninan kene kan kosebe.

- Jaabi caman kera dagabondala jaabiye.

- "E.I.D." ye keneba de ye min nogon te yerédon ani yerekiméko la.

An kana son cogosi la ka kene in lagosi. Mogoo mogoo n'i be fen ke do be f'i ma, do be k'i la. Fen te fo, fen te ke fenkebali de la.

**Burama Sidibe ka bo  
Strakorla "C.A.R." kulukoro**

An k'a don, Ala ye samiyé diya anw koorisennelaw la; nka «CMDT» y'a goy'an na de ! Sabu cikelaw ye minenw juruta ni koori songo min naniye, «CMDT» nana do bo o songo la. U dun ma do bo minenw songo la. O ye wale ye, min man kan. Mogow b'a fo ko tigi te falisu la, ko suruku fana te siran Ala ne.

Cikelaw y'a jira ko CMDT no te; ko cikelaw ka nemogow no don. Olu de ye cikelaw feere «CMDT» ma. Ne fe, «birosikopi» ka kan ka ci ka bo yen pewu, bawo cikelaw de y'a sigi. «Birosikopi» mogow labanna ka joyoro were pini «CMDT» kono, minte cikelaw ta ye. Ne ye yoro do kolosi, cikelaw ka hamanki si te fo arajo la; a te fo telewison fana la.

Sikaso cikelaw ye nogoye do ke desanburukalo tile 6, k'a jira ko ni do

## «ONU» lakanani jekulu y'a nesin sidabana keleri ma Afiriki kono.

Dijne jamana horonyalenw ka tonba «ONU» lakanani jekulu y'a kelerida sidabana kelerife Afirikijamanaw kono. U ye laje kereneren dō boloda bana sidonbali in konni na Farafina dugukolo kan.

«ONU» yere ka jatemine na sidabana be mogomiliyon 33 ni ko la dijne seleke naanina, minnutilako 100 sigiyorma 70 sigilen don Afiriki jamanaw kono, minnu be sahara jukoro. A jirala k'a ye mogomiliyon 2 ni ko faga an ka jamanaw kono san 1999. Mogofaamuyalenw ka foli la, o hake ka casine 10 ni keler mogofagalew ye.

Afiriki kelen de be toroko-toroko la banajugu in keleri la, k'a soro a kelereminan foyi t'a bolo, a jigiya t'a yefolo. Fura saba minnu be fara nogon kan ka sidabana fura ke farajela jamanaw kono, o furaw sanni se te farafinw ye. Wa jamanaw jigi ye funankenin minnu ye yiriwali ni netaa ni bongola baaraw la, sidabana ka jugu olu de ma Afiriki.

«ONU» y'a ye ko n'a ma deme don Farafinna ma k'a konomogow bo sidabana mantoorow la, Afiriki jamanaw ka yiriwali ni netaa ni bongola laban be ke tokaje ye. Dijne jamana horonyalenw ka tonba ka weleda jaabibaga folo kera Lamerikenjamana ye. Lameriki setijamanaba y'a kanbo k'a bena sefawari miliyari 60 fara sidabana keleri bolomafara deme kan farafina jamanaw kono.

A jirala k'o nafolo kasabi bena lamerikenjamana ka sidabana keleri bolomafara mumekesefawarimiliyari 195 ye dijne konkun naani na, kerenerennenyia la Azi ni Afiriki jamananaw kono.

Afiriki doron ka deme bena t'i jo sefawari miliyari 125 la. Ameriki jamanakuntigi ka dankan Ali-Gori ye musowladonniya k'uka goferenaman bena sefawari miliyari 30 don bana dōw bolocijiw sanni dafe, i n'a fo kanjabana ni sayi n'u nogonnaw.

«ONU» ka bolofara min ka baara nesinnen don here ni lafiya basigili ma dijne kono, nin y'a sijne folo ye san

50 kuntaala kono, a k'i wasa don keneya sabatili walew la. «ONU» sekereteri zenerali Kofi ANANI ye wele bila dijne bee ma, an ka sidabana kelerike an ka baara folo ye Afiriki kono nin waati in na, bawo bana in b'a fe ka farafinna jamanaw soro ni hadamadenya ni politiki walew bee nagasi.

«ONUSIDA» kuntigi ka foli la, keler minnu be desebagato jamanaw kono, oluni sidabana bee masibawyekelen ye. Jatemine min y'o kuma sonji la, a jiral'o senfe, ko fitinew waatiw la, cew binna muso minnu kan, olu hake tilako

100 sigiyorma 17 bee ye sidabana soro o diyagoya kafojogonya senfe. «ONU» ka lakanani jekulu y'i sinsin faantan jamanaw demeni kan ka sidabana furaw soro, sanko setigi jamanaw ka fura saba dorogolen minnu be ka dansigi a kasaaraw la Farajela.

O siratigela, a y'ikanbonafolobatigwi ni furadilannaw ni Farajela jamanabaw bee ma, u ka sidabana keleri k'u kunko ye Afiriki kono, ka jigiya dimogomiliyon yirika ma, minnu be donmakono na.

Basiriki TURE

## Faransi sigi geleyara musocamantigiw bolo

Faransijamana demelijekulu ni baaraketon dōw y'a jira kosa in na ko mogomaman ka Faransi sigili yamaruyasabenw tenu lakuraya. «A.P.S.» ka jatemine la, nin ye wale ye min koloow be se denmisenninw ma. «A.P.S.» ye baarada ye min sigira senkan musocamantigi ka konew nejinini sira kan san 1993, jamanadenw ni tugalakow nemogoyaso ka yamaruya kono. Musocamanfurutte «A.P.S.» feko ye, sabua be musow ka hakew lagosi, ka Faransi sigi geleya. Nka onataa bee, «A.P.S.» y'a jira ko jamanan sigili yamaruyasaben man kan ka ke bere yeka mogow gosi, ka soro feere werew ma nin'u ko la.

Fo ka se san 1993 ma, dutigi tun yamaruyalen don ka muso filanan, walima sabanan lana Faransi, n'o y'a soro furu kelen don ka ban. Sariya do nana ta kosa fe min b'o wale in kon, ko jamanan sigili yamaruyasaben ka kan ka bosi dutigi n'a musow la.

Ton do y'a jira, n'o ye «ASSFAM» ye, ko yala musow ka hakew be labato nin cogo la wa, sabu ni jamanan sigili yamaruyasaben bosir'u la, o koro ye k'u te se ka baara ke fan si Faransi dugukolo kan; o kofe, a be geleya lase denmisenninw ma.

Wensan Ereberiyukisi, n'aleyehakew

lakanalijekulu dō mogomoye Faransi, o y'a jira ko ka mogow hakili lajigin musocamanfurutte konni na Faransijamana kan; nka musocamantigi minnu be yen sisan, ko ka feere nini olu ka konew la, hali ni musow be bo nogon kan; k'oka fisa ni diyagoya ye.

Ben ma se ka ke musocamanfurulaw hake kan Faransi. Jamanadenw ka konew segesegelikela do, Misheli Tinbalati y'a jira k'u hake be se 8000 ma; du kelen-kelen be mogow be se 12 walima 15 ma. Ucaman be Faransi faaba Pari dafelaw la.

Musocamantigi ninnu caman be bo Mali, Senegali ani Moritani togodaw la.

U te faransikan fo k'a ne; dōw yere t'a men fewu. U ka sigidaw la, u bee b'u ka laadalakow kan. Muso to kelen be baara la, walima u fila bee. Sit te se ka danma sariya boli a woloden kan. Jekuluw ka jate la, nin ye walew ye minnu be musow tooro. Olu de wulila san 1980 ni san 1990 ko ka musocamanfurutte kon Faransi. «A.P.S.» ka fo la jamanan sigili yamaruyasaben kera musow bolo nangili ye, ka soro musocamanfurutte b'olu folo de tooro kosebe.

«A.F.P.»  
Badama Dukure

## Dakaro baaradenmusomanninw ka lakolikalan

«HLM Montaji »ye kin ye Dakaro dafela la, Senegali jamana kan, kin min sigilen don tintin do kan. A kerefelaw la, mobilidilanyorow ni negebuwatisow be soroyen; fitirimana teme, denmisenninw be tulon ke kenema. Farasokelen-kelenw beyen. «Enda» ka lakolisow be farasow la. «Enda» ye numanketon ye, min ka lakoli nesinnen don baaradenmusomanninw kalanni ma. Lakoliso in do kono, Maliki Si, ni karamogo don, min si be taa san 29 la, o be ka walanda seben walamba kan. Bi, walanda be jate ni kalanje kan. Musomanin 15, nogonna be kalanso in kono; u si be san 13 walima 12 la. Karamogo be ka daje damado seben, kokalandenw ka kumasenw laben n'o dajew ye. In'a fo patoroni, baara, du, furalan, nisondi, tulonwanijugu. Ninnu bee sebennen don nansarkan na; dajew don, baaradenmusomaninw mago be se minnu ma, u ka baara hukumu kono. Kuran be kalanso in kono; ani kalalikemansinw.

Musomaninw labennen konuman be na lakoli la. N'u be don, u bee b'u

nongirika Maliki Sifo, uka fasokan na. Dulokiworojimaw bedowkanna; duloki suguya werew be tow kan na. Worojimaw songo dorome ye kemne naaniye; a juru be don uka «Enda» fe, n'o ye numanketon ye.

Kalandenw be bo «HLM Montaji» yere kono ani kin werew la minnu be lamini na. Nansarakalan be ke tarata ni alamisa, k'a damine nege ne tan ni konoenton na. Kalali, denyerenindulokidilan, galadon ani sogoli be dege nteten, araba ani jumadon, k'a damine nege ne tan ni segen na, ka ta bila nege ne mugan ni kelen ni tila la.

Baaradenmusomannin ninnu be n'u yerema. Kabini sokonobaaraw mana ban, walima ni patoroni ye yamaruya d'u ma, ubee be na. Maliki Si ye baara damine yoro in na kabini san 1993. Amenna, Maliki Si ka baara nesinnen don nin mogo suguyaw kalanni ma, minnu genna ka bo lakoli la. A k'ale nisondiyalenba be baara in ke, sabu jigitianw kalanni y'ale yere ka fasojobaara sira do ye.

«Enda» lakoli in na, mogo min mana

san saba dafa, dipulamu be d'o ma. Sankelenkalan be ben kalo 9 ma, in'a fo lakoli tow ta be cogo min na. Kalo saba o saba, nogondan be k'u kun. Nka lakoli in na, kalan labennen don ka ben ni baaradenmusomanninw ka baara taabolow ma. U nako fofo lakoli la, u be jininka, u b'a fe ka kalan fen minnu na.

Dow b'a fo k'u b'a fe ka telefoni jaabicogo dege, walasa n'u ka sotigi te so kono waati minnu na, u be se ka jaabill ke; dow b'u kanto k'u ba fe ka dunanw bisimilacogo don, walima ka sannifeere cogoya don sugu la. Musomannin dow fana b'a jini ka s'u togow sebencogo la, walima wari baaracogo, patoroniw be wari min'd'u ma.

Maliki Si be to ka cenumusoyabanaw nefo lakolidenw ye, in'a fo sida ani sinji dicogo ni den kolosicogo. Ninnu ye fenw ye kalandenw be nafa soru fen minnu na, u ka baarayorow la. Nka, u te dan kalanje doron ma. Karamogo be to ka bo n'u ye ka taa Gore gun kan, n'o ye lawale jonkafoyoroba do ye Senegali jamana kan, ani baganmarayorow ni warabafileyorow la. Musomannin ninnu be to ka tulonw fana ke.

«Enda» lakoli dabokun ye musomanninw degeli ye kalan ni sebenni ani jate la (farankali ni doboli), san fofo la: San filanan na, u be dege sigiyoromali la, ani kumasenw labenni nisabenw kalanni. San sabanan kalan nesinnen don tilali ni hakililasebenni ma. Lakoliso in kono, musomannin kelendorondeyekalan bilak'a sababu k'a ka konobarako ye. A maloyara ka na ni konobara ye lakoli la.

Je Mati Fali  
Badama Dukure

## Bajiko kunnafoni

A jirala ko san 2000, zanwiye kalo tile 15 fofo kono, Mali bajiw jiginna ka ta fe. Nka bajji minnu jiginni juguyara, o ye Bani ye Moti yoro la ani Manantali babili yoro ni Bagowe-Pankuru yoro la ka fara Bafin kan, Manantali babili sanfela la. Minye Sankaraniye Lagine kono ani Bajoliba Gwo yoro la, olu jiw yelenna doonin.

Mogo faamuyalenw ka jate y'a jira ko Koraru debe, Jona yoro la, o ye donnin mindamine san 1999, desanburukalo tile 22, do be ka fara o kan doonindoonin, k'o sababu ke Bajoliba ye donniba min ke samiye fe.

San 2000, zanwiye kalo tile 14, Mali bajiw bee hake cayara ni salon taw ye. Nka u dogoyara ni san hake bere bennen lakodonnenw ye, n'a bora Bajoliba la Bamako yoro la ani Senegali babolo ni Bafin, Manantali babili sanfela la.

Bajiko mogofaamuyalenw ka jatemine bor'a kan ko bajiw bena jigin doonindoonin ka ta fe. Nka Koraru dede be teme ni lafali ye.


Baji kundama bena metere 2 soru san 2000, zanwiye kalo la Moti mara la. O b'a jira ko batonw bena boli dabila o waati la.

## Sigareti ka jugu cogo min n'a minbaga cemanw n'a musomanw ma

Dijé jamana hörönyalenw ka tónba, n'o ye «ONU» ye, o bolofara min nesinnen be keneyakow ma, n'a be weleko «OMS», omogófaamuyalenw ye nögón soro u ka kuben do kene kan, min labenkun kera sigareti juguyacogo jate mineniye, walasa k'a da hadamadenw tulo kan, sanko a minbaga ceman n'a musomanw, minnu jore b'u la, ka masor'ut'a dón ko sigareti manji, k'a b'ubana, fobanako jugu. U folola ka fen min jira, o ye ko sisan, sigaretiminna minnu lakodonnen be dijé jamanaw kono, o jate minelen benna mogomiliyari kelen ni miliyon keme de ma (1.100.000.000). U k'o mogow la, mogó miliyon keme wolonwula be bo setigi jamanaw kono, n'o ye Ameriki ni Eropu ani Arabu jamanaw ye (700.000.000). A to mogó miliyon keme naani, olu be bo desebagato jamanaw kono, n'o ye Ameriki Latinini Aziani Afirikijamanaw ye (400.000.000). U ko sigaretiminna lakodonnen na, cew ye mogó miliyon keme kónonton ye (900.000.000), n'o be ben mogó 82 ma, keme kulu kelen bee kan (82%), musowyemogomiliyon keme fila ye (200.000.000), n'o be ben mogó 18 ma, keme kulu kelen bee kan (18%). U ko n'i ye ce keme kulu kelen ta dijé yoro o yoro, i b'a soro olu la, mogó 47 ye sigaretiminna ye (47%), n'i ye muso keme kulu kelen ta dijé yoro o yoro, o sigaretiminna ye mogó 12 ye (12%). O jate b'a jira k'a keme kulu fila bee kan, sigaretiminna cemanw n'a musomanw faralen nögón kan, o be ben mogó 59 de ma (59%). A to mogó 41, olu t'a min (41%). U soro la k'a fo ko sigareti be mogó minnu faga san osandijé kono, o jate minelen benna mogó miliyon fila ni baa keme segin de ma (2.800.000). U k'o jate be fen min jira, o ye ko sigareti be mogó baa segin de faga don o don dijé kono (8.000); ko sigareti be mogó keme kulu kelen fen o fen faga, cew ye mogó 80 ye (80%), musowyemogó 20 ye (20%); ko cew ye sigaretiminna damineli min ke, ka meen, ka soro musow m'a damine, o de ye ce fagataw hake caya ni musow ye; k'o n'a taa bee, a ka mogó fagata cemanw n'a musomanw

hake ye kelen ye setigi jamana dów kono; ko taalen nefe, a hake bëna ke kelen ye desebagato jamana dów fana kono. U y'a fo ko mogó keme kulu kelen fen o fen ye sigareti minni damine joona, ka sor'uma köröbaya, ko sigareti de b'o tilance faga, n'o ye mogó 50 ye; k'o mogó 50 tilance folo, n'o ye mogó 25 ye, a b'olu faga k'u si to san 50 la; k'a tilance filanan mogó 25, a b'olu faga ka sor'u si temenna san 50 kan. Nin bee la, sigareti ka jugu cogo min n'a minbaga cemanw n'a musomanw ma, u y'o nefo, k'a jira k'a be bana suguya 25 de bila hadamaden na, ko bana caman be hadamaden farikolo la, a be

n'a b'olu degun kosebe, o ye denmisenniw ni mogokorobaw ani musokonaw ye. O koro ye k'olu kana dorogo sigaretiminna la cogo si la. O de kama sariya tara jamana dów kono walasa mogó kana sigareti min jamamayorow ni forobayorow la, n'o ye lajereyorow, tönsigiyorow, nenajekeyorow, sugukononaw n'u nögönnä feerelikeyorow, baarakayorow ani bolifénw kónonaw ye, jama caman be don minnu kono, ka t'u magow nenabó duguw kono, wali ka taa dugu ni dugu. U ko sariya werew tara yoro caman na ka sigareti mankutuli dabila telewisonw ni arajow ani kunnafonisewenw n'u nögönnaw kono,



wali ka do fara sigareti songo kan, walasa k'a negebo mogow la. U ko k'u be fen min jini jamanaw fe, o ye wale s u g u y a c a m a n jutigeli de ye, minnu be s i g a r e t i lagosi, k'a mangoya, ka

minnu juguya ka t'a fe. U ko k'a nakan banaw ka ca dantigeli ma cogo o cogo, a be se ka fo k'a be kanseri bila hadamaden kónonafenw bee la, k'a damine kankonona la, fo ka se fogonfogon, bije, sönkun, nugu ani furuma. U y'a jira konin bee la, fen min sabatira, oyeko sigaretiye dimicaman sababu ye, minnu be hadamaden barika dogoya doonin doonin, k'a tooro don o don, fo k'a laban ka dese dijé fen bee la. U k'o b'i n'a fo kunkolodimi, mura, sögösögöninakilidegun, disidimi, dusukundimi, kónodimi, kódimi ani farigan banbalini farifaga kötigebali. U ko sigareti sisí be fen o fen k'a minbagaw la, a b'o nögón de ke mogó werew la, ub'a min minnu kerefe. U k'a sisí ka jugu mogó suguya minnu ma,

d'a kan a be fine bila yiriwalikow la, k'olu latemenni geleya, k'o sababu k'a juguyacogo ye sörökław ma, a be minnu bana, k'u nagasi fo k'u faga. U y'a fo k'u ka nininibaaraw be k'a jira u la, don o don, ko mogow hakili b'a la ko sigareti ka jugu cogo fen o fen na, a ka jugu n'o bee ye. O koro ye ko keneya tigilamogow yerew ma tila sigareti juguyacogow bee dönni na. Nka, u ko sisan, a juguya be se ka sanga sidabana juguya de ma, min ka jugu ni banaw bee ye, nifura t'a la, n'a te mogó mine k'a bila. U ko k'u b'o fo ka da fen min kan, o ye ko sigareti ka mogó minetaw n'a ka mogó fagataw ka ca ni sida ta ye. Nin bee la, u y'a fo ko fen min nimisa b'u la, o ye sigareti dilanni ye; ko sanni sigareti ka dilan, mogow

tun be fen minnu dōn, o ye sirabulu ni siramōnōn ani siramugu ye; ko kabini lawale la, mogo m'a men k'olu ye mogo bana. Uko sigaretiko dabora san 1920 na, n'o kera sirabulu bayelemalisan ye farajela iziniw kono, k'a ke siramōnōn ye, ka sebenfura fegemannin meleke a la, k'a tōgō da ko sigareti, n'a minni daminera setigi jamanaw kono, ka mēen, ka sōr'a ma se desebagato jamanaw kono. Uy'a jira ko yōrōbēe la, cew de fōlō ye sigaretimin damine, ka musow tugu olu la, k'a laban denmisenninw ma. Uy'a fōkō sigareti ye hadamadenw fagali damine san 30, fo ka se san 40 m'a dilannen kofe. O koro ye k'a te bala ka mogo faga, k'a be mogo faga tuma minna, o y'a sōr'a mēenna o tigi tijen na. O b'a jira k'a bana ni sidabana ye kelen ye, u te mogo minne k'a bila. Uko fen min mōne b'u la, o ye ko kabini sigaretiko daminera, don o don, do be ka far'a minbaga cemānw'namusomanwkan, dijne yōrōbēe la; k'o cogo fana la, don o don, do be far'a ka mogo fagataw kan; k'u y'o kuma fo, focogo jugu bēe la, walasa mogow k'u yōrōjanya sigareti la, ka dese; n'o kuma tun lamenna, k'a b'a sira fe, hali ni sigaretimin tun ma dabil, caman tun be b'a la. Uko n'a kera cogo o cogo, sigaretidilanna minnu ye warinininaw ye, ni hadamadenw banaliko jore t'u la, olu b'u ka sigaretiw dilan, ka masor'udalen b'a la k'u be san, fo ka dese; mogo t'i jigi da o sigaretijagokelaw kan, sigareti keleliko, wali a dilanniko n'a feereliko la; n'a danna olu ma, dijne bēe mana ke sigaretiminnaw ye, o de ka d'u ye. Nin bēe la, dijne kenyakow jateminelaw y'a jira ko mōgokuluminnu jore b'u la, o do ye musow ye, sanko minnu kōnoma be sigareti min, n'a b'u denw bana, ka sōr'u ma wolo. Uko k'a do ye denmisenninw ye, sanko minnu b'a minni damine ka sōr'u ma kōrōbaya, n'a b'u bali ka si sōr, n'a b'u faga joona ka sōr'u ma dijne diyabo. Usōrla k'a fōk'olu be fen min dōn sigaretikola, n'o de ka ni, n'o de ka fis, n'o de oy'a minbaliya ye, ka masor'o dugujukorōfēn na, n'o y'u boli y'u bolo kōrōwan, k'u bila bolokura suguya caman

## Kenyereye dōw ye nōcōl kunben farafinna senefenw bayelemalikow kan

Kabini san 1973 la, ni sanjidesē tugura cogon na, ka baloko gelyea san o san ka t'a fe, fo ka kōngō don, k'a basigi Afiriki jamanaw kono; kabini san 1994 la ni do bora sefawari barika la, fo ka s'a tilance ma, n'o ye wariko gelyea; kabini do farala farajela fēn songow kan, n'o ye furaw, balofēn ani magonefen werew ye, kenyereye sōrla jamana caman kono, minnu wulila ka cogoya jini farafinna senefenw bayelemalikow la, walasa ka do bo hadamadenw ka sēgen na. Senefenw temennen kō, kenyereye dōw y'u siri dōnnikelaw, ninikelaw ani cōgō faamuyalenw na, farafinfuraw dondalako fana kama. A be se ka fo ko nin mogo minnu jēsinnen be senefenw bayelemalikow, wali farafinfuraw dondalakow ma, an'u cogonna minnu jēsinnen be fen werew ma, k'olu jijakun ye nafoloko dama de y'a baaraw la. Farajela fara farafinna kan, bēe y'a don ko kenyereye t'a bolo don baara la, n'a ne t'a ka nafa la minna. Nka, ni mogo min ye nin kowla jēji, nema jelen na, otigib'a faamuya k'u be baara minna, o ye fasojobaara lakika de ye, o de be laban, ka masor'o de b'a jira anw yērew ni mogo werew la ko farafinw fana be ko dōn, u be se ko la. A b'a jira ko dusu be farafinw kono, ka ninini ke, wali ka feere sōr, min be barika don farafinna dugukolokanfēn na, n'a dugujukorōfēn na, n'o y'u boli y'u bolo kōrōwan, k'u bila bolokura suguya caman

kan, minnu b'u dawula bonya, k'u sanga wuli. O b'i n'a fō ncōkōnko. Kabini ncōkon ji kera minfen ye, k'a naga ke nōgo ye, ncōkon sōrta bugunna, k'o sababu k'a senebagaw cayali ye. O cogo la, kabin'a sabatira kokosafunē bētobi, k'a ke juguna ye, ka sōgo ni nafēn w k'a la, k'a ke kinin, wali basi kan, k'a dun, a sanga wulila, ka masor'o nakotigw y'a far'u ka senefenw kan. A be feere sugu la, ka sōrō fōlō la, mogo tuh te kēcogo dōn a la. O n'a ncōonna fēn caman werew, minnu ka ca dantigeli ma, n'u nafaw ka bon baloko la, u be sōrō bēe la, wari caman te don u la. O dīnelatige nogoyalikow be senna dīne kōnō cogo minna, foroba kunda ani kenyereye kunda, o de b'a jira ko ni bēe m'i seko k'i yēre ye, mogo t'a ke mogo ye gansan, mogo te mogo deme gansan, bēe ka dīnelatige nogoyaliko b'i yēre de bolo, haligasi sigiliko t'a la. Obētemē sira osira fe, ka taa cōcō o cōcō la, a be ke cogo o cogo la, mogo b'o ke, k'o sababu ke latige ye, min y'u kōdon baara were la, k'u jēsin fēn bayelemalikow baara ma. O misali ye farajela fēnbayelemalikelaw girincogo ye, ka b'u ka jamanaw kono, ka na farafinna fēn san, da nōgon na, ka t'u bayelema u ka iziniw kono, ka sōr ka n'u feere, da gelēn na, u bōyōrō yēre la. Sanni wari ka gelyea, o fēn tun be san cogo la, f'u be dese. Taalen jēfe, sēgen barika bonyako jugu kera mogo kōdonkun y'o fēn na,

3U 12

## TULON

Nin desen fila dilanbaga y'a dab'a kama, ka fili 10 k'u la. A'y'olu jini.



Dulokiba bolio. 5 - Filantere kelen yorjan na. 6 - Cekordba dafuruku. 7 - Kabaikuru kelen duquma. 8 - Jirisun bulu kelen. 9 - Nogotigini tulio. 10 - Cekordba kō.

jaabi

«OMS»  
Amadu GANI Kante.

## NE 11

minnu ka d'u ye, nka, n'u te se k'u san. O cogola, nifénbayélémalikéla caman soro la farafinna, fo ka farajew ta njogon k'u fasow kono, o ye wasako ni kunkorotako dan bëe ye. Togoniniko, wali nafolopiniko kuma man kan ka f'o baara la, hali n'olu be sor'a la. Niforoba kunda, wali kenyereye kunda, mogo min y'a ka jamana fen do bayéléma, hali n'o tigi togo for'a baara la, a be fo k'a d'a ka jamana togo de kan. A fen bayélémalen be don kókan ni jamana togo de ye. Jamana togo de be seben a kan. O cogo de la, a be fo ko «Mali tigatulu»; «Mali kolosafune»; «Mali nsabanji»; «Mali nbuuру», min be dilan ni alikaamamugu ani kabamugu ye. O n'a njogonna, minnu ka ca dantigeli ma. A be k'o cogo de la dijé jamana bëe kono. O b'a jira ko fen bayélémalen kelen kelen bëe togodaliko ye bëenkan de ye, min be temen bayélémalikela n'a ka jamana fangaso ce, n'o be sementiya sariya ka bolo kan. Nin bëe la, mogo minnu faamuyalen be nafasorokow la, olu y'a jira ko jamanaw ka musakakow la, wari bëe be don fen min na, n'o ka gelén n'a bëe ye, o ye baloko ye. Dowta ye no ni malo ye, dowta ye fini, kaba, wali ku ani fen werew ye, minnu deseli ye jahadi ye. Okama, u y'a fo ko ni jamana min y'a sebe don fen bayélémalikown'udondalakow ma, dobe b'o ka kokanfen santaw n'a ka kókanwari botaw la, k'o sababu ke mogo wasa donni y'u faso fen bayélémalenw na. O misali ye nbuuruko ye. Dugubaw bëe kono, nbuuru be dun ka temen fen bëe kan. A be san cogo bëe la. A te gala. A joyoro bonya kama baloko la, faamaw be sirana deselikunko ye, kuma t'a soroballya ma. O koso, wari bëe be labo, ka taa alikaamamugu san farajela, ka na nbuuru dilan n'o ye. Fen min ka fisa buuruko la, oyejamana yere ka se k'a halala alikaama senelen, wali senefen werew mugubô, ka nbuuru dilan n'o ye, i ko Mali be k'a ke cogo min na, ni alikaama ani kaba ye. O n'a njogonna bayélémalikow de be jamana kisi wari caman laboli ma, ka taa fenw san yoro were, ka sorojamana yere be se k'olu sene. O siratige la, a jirala ko san o san, Senegali be sefawari miliyari 120 de bo ka taa malokise toni 600.000 ani alikaamamugu toni 200.000 san kókan. A b'o cogola Malini Burkina ani jamana tow bee kono, hali n'u ka wari botaw ka ca ni njogon ye. O b'a jira ko senefenko te ke wasako ye ni bayélémalikow ani dondalakow baaraw ma sira soro. Olu fana te sira soro n'a baarakelaw joyoro ma don, n'u ma lakodon, k'u deme, wali ni mogo m'u wasa don u ka fen dilannenw na. N'o fenw mangoyara dörön, ka farajew ka fenw diya mogo ye, fo k'olu fisaya n'u ye, o y'a ko bëe tijelen ye. O de b'a baara

lasegin kó, k'a jira baarakelaw la komogow ma fosi faamuya. O faamuyalibaliya min sabatira yoro bëe la Afiriki kono, o de be k'a baarakelaw tooro, fo k'u jigi tige. A b'u jigi tige kun bo, ka masor'u be k'u yere segen, walasa ka mogo minnu kisi waricamanbo ma, balofenkow ni minfenkow ani negelafenkow, wali dalamagafenkon la, olu mago t'u ka fenw na, u t'u san, u t'u dun, k'u dilancogo te farajew ta bo, kofo ka dijé wuli, farafinw te fen dilan, min be ne ni farajew taw ye. O ye kumaw ye, minnu be baara negebo baarakelaw la. O negebocogo te kelen ye forobabaarakela ni kenyereye bolo. A kera cogo o cogo, forobabaarakela b'a ka kalosaraw soro. Kenyereye dun ka dijélatige dulonnen b'a yere ka timinandiya de la. Mogo minnu b'o timinandiya kan Senegali ni Burukina ani Mali kono, n'u be njogon kalama, n'u bolo n'u njogonnaw bolo be njogon bolo Faransi jamana kono, olu dòw de ye njogon kunben Wagadugu, san 1999, awirilikalo la, u ka baarawyiriwalikow kan. U njogonna minnu be Faransi, olu de farala njogon kan, k'a kunben laben, walasa u kenyereye damaw k'u hakilinataw falen, ka njogon bilasira, sanko u ka nafa soro u ka baaraw la. Faransikaw y'a jira k'u be nafolo bo k'a kunben laben fen min kama, o ye farafinw ni farajew ka njogon soro li ye kene kelen kan, ka njogon don, ka njogon ka fen dilannenw jira njogon na, ka kunnafoni di njogon ma, kow latemencogo kan. O de kera farafinw bencogo ye, ka bayélémalikow joyoro sebe dajira u ka jamanaw nemogow, la, ka masor'u ye fen nafama caman minnu dilan, olu kelen be bolokofefenw ye, k'o sababu ke nemogow bancogo ye ka barika don bayélémalen baaraw la, an'u mago bocogo faso fen dilannenw dondalakow la. U k'o ye dabalkankoye, ka masor'omogokelenw de be k'a fo dijé yoro bëe la, k'u jolen be bayélémalikelaw kókoro, ka soro be ka jamana wari bëe labo, ka taa kokanfenw san, ka na faso fenw lagosi n'olu ye, f'u be negebo mogo la. O koso, u ko n'u seginna, u b'a f'u ka jamanaw nemogow ye, k'a geléya, k'u demeliko sera boli ye kuma caman nafantanw ka bolo kan, k'a bila wale kelen dörön ka bolo kan, n'o ye faso fenw fisayali ye ni kokanfenw ye. Mogo minnu tun b'a kunben kene kan Senegali togo la, olu nemogotun ye Ali Sali de ye. Ali sigilen be Cesu dugu kono, n'o ni Dakaro ce ye kilometre 80 ye. Ale be bisiki sukaroma toni 10 de dilan kalo o kalo ni alikaama anisumankise werew ye. Burukinabew nemogó tun ye Mohamedi Wedarawogo ye. Ale ye nininikela ye Wagadugu. A ka baara do ye balofenw dilanni sifileli ye ni senefen suguya bëe ye. Malidenw nemogotun ye Madamu Mariko ye, min sigilen be Bamako. Mogo minnu

tun be Wagadugu kunben kene nin kan, Madamu Mariko ye bayélémalen baara damine olu bëe ne. A yere y'a jira k'a ye baara damine san 1983 la. Okama, farajew fara farafin kan, bëe ye bonya d'a kan, k'i wasa don a la, k'a sigi kunben nemogó sigiyoro la, k'olu de ka koro n'u bëe y'a baara la. O cogo la, a weletogo kera «koro» ye, fo k'u fara njogon na. Ale be fen caman dilan.

Nka, fenfila de ker'a ka togosorosababu ye Mali kono an'a kókan. A folo y'a ka finikise magaman ye, a be min bele bëe tomo, k'a ko k'a je, k'a yelen nintin kono, tasuma kan, fo k'a wusu, ka soro k'a bo, k'a sumalen kemanaforokokono, k'a feere. Ni mogo min y'a san, baara were min b'o tigi ma, o y'a sagona na tobili dama de ye, k'o k'a la, k'a dun. A filanan y'a ka dennabalofen nafamaw ye, a be minnu dilan ni sumakise suguya camanye, n'olu muguw be njagami njogon na, k'u ke manaforoko kono, k'a feere. N'u dituma sera denw ma, ji gansan be ke dòw la, nonkene be ke dòw la. A sabatira k'a ka dennabalofen nafaw ka bon ni farajew taw ye, u songow ka njogon n'u ye. Nin wariko geléya waati la, mogo minnu bolen be Madamu Marikon'a njogonnaw ka fenw kalama, sankodenbatigiw, olu selent te ka dan sor'a lafiya la. Nka, bëe te se ka b'u kalama jamana kono ni nemogow m'u sen don a fenw lakodönnikow n'ujensennikow la, minnu se te bayélémalikelaw ye, n'u joyoroka bon u ka baara nafasorokola. Nin bëe de kama, u y'a jira ko ni jamanaw nemogow ye sira min ta k'u segeré, jamanadenw b'o sira de mine, ka tugu u nöfe. U farala njogon na n'o hakili de ye, u benna min dajirali kan faamaw la, walasa u ka nesoro, i'n'a fo cikelaw ni sorokela tow ye nesoro cogo min na.

Suleymani Watara  
Amadu GANI Kante.

<b>"AMAP" kuntigi</b> <b>Gawusu DARABO</b> <b>Mali kanw kunnatonisebenw</b> <b>baarada Kuntig</b> <b>Nanze Samake</b> <b>Kibaru</b> BP - 24 Telefon: 21-22-304 Kibaru-Biduriye Bozola Bamako - Mali Diembagaw ni sejembagaw kunitig Basinku ture Sejembagaw kunitig Badama Bokure Labugunyoro Kibaru-gatedilan baarada Bojen Hake: 16.000
---